

- मुख्यमंत्री भजनलाल शर्मा कह्यो—जयपुरवासियों के खातिर सुगम और अत्याधुनिक परिवहन तंत्र कर्ग्यो जावेला विकसित।
- प्रदेशभर भर मांय भगवान महावीर री जयंती आज श्रिद्धा और उच्चास रे साथै मनाई जा री है।
- राज्य मांय गर्मी ने देखता थकां आपदा प्रबंधन मंत्री डॉ. किरोडी लाल मीणा विभागीय अहलकारां ने दिया दिशा निर्देश।
- करौली, बाडमेर, जालोर साथै केई जिलां मांय धूलभरी आंधी और बूदाबांदी होणे सूं तेज गर्मी सूं मिली राहत।

000

मुख्यमंत्री भजनलाल शर्मा कह्यो है के राज्य सरकार री मंशा है कि जयपुरवासियों खातिर सुगम और अत्याधुनिक परिवहन तंत्र विकसित कर्ग्यो जावे जिण सूं जयपुर स्मार्ट सिटी री दिशा मांय देशभर मांय मॉडल शहर बणा सके। श्री शर्मा आज मुख्यमंत्री निवास माथे जयपुर मेट्रो फेज द्वितीय खातिर तियार करी जा री विस्तृत परियोजना रिपट ने ले र राख्यी ज्यी बैठक ने सम्बोधित कर रह्या हा। वणा कह्यो के डीपीआर मांय प्रस्तावित सीतापुरा सूं अंबाबाड़ी और विद्याधर नगर ताई भविष्य री आवश्यकता और आमजन री सुगमता ने देखता व्ह्या मेट्रो टेशन बणाया जावे। श्री शर्मा कह्यो के जयपुर एक ऐतिहासिक और तेजी सूं बढ़तो शहर है और मेट्रो रा विस्तार अठे री बधती आबादी और यातायात दबाव ने संतुलित करणे मांय खासी भूमिका निभावेला। वणा प्रोजेक्ट मांय खर्चा और लागत रो समुचित आकलन करणे माथे भी जोर दियो, जिण सूं वित्तीय संसाधनां रो सदुपयोग होणे रे साथै आम जन खातिर बेहतर परिवहन सुविधा मुहैया करवायी जा सके। वणा कह्या के मेट्रो टेशन एड़ी जगावां माथे बणाया जावे जका आम लोगों रे पहुंच मांय हो और रेलवे टेशन और एयरपोर्ट रे कने हो, जिण सूं मेट्रो री उपयोगिता बढ़ सके।

000

लोकसभा अध्यक्ष ओम बिरला हिंदी और संस्कृत समेत दूजी भारतीय भाषावां मांय 'उज्बेकिस्तान रे विद्वानां री गहरी रुचि री सराहवणा करी है। श्री बिरला कह्यो के उज्बेकिस्तान विद्वानां और विद्यार्थियां ने आप रे शिक्षण और शोध कामां रे जरिये भारत और उज्बेकिस्तान रे ऐतिहासिक संबंधां ने और बेसी मजबूत कर्ग्यो है। 21वीं सदी ने गढ़ने मांय भारत री खासी महत्ती भूमिकां रो उल्लेख करता थकां श्री बिरला इण बात माथे प्रकाश डाल्यो के उज्बेकिस्तान जेणा मित्र देशां रे साथै सामूहिक विकास और सहयोग री अपार संभावनावां है। ध्यानजोग है के **150वीं अंतर-संसदीय संघ सभा** मांय भाग लेवण खातिर श्री बिरला आं दिनां उज्बेकिस्तान यात्रा माथे है।

लोकसभा अध्यक्ष उज्बेकिस्तान गणराज्य री **ओली मजलिस** रे लेजिसलेटिव चैम्बर रा स्पीकर **नूरदिनजन इस्माइलोव** रे साथै द्विपक्षीय वार्ता करी।

0000

जैन धर्म रा 24 वां तीर्थंकर भगवान महावीर री जयंती आज श्रिद्धा और उच्चास रे साथै मनायी जा री है। इण मौके माथे जैन मन्दिरां मांय खास आयोजन राख्या गया है। प्रभात फेरियां निकाळ र भगवान रो अभिषेक कर्ग्यो जा रह्यो है। करौली जिले रा श्रीमहावीर जी मांय मेळो परवान माथे है। वार्षिक मेळा मांय देशभर सूं श्रिद्धालु पहुंच्या है। इण मौके माथे जैसलमेर मांय भव्य शोभा जात्रा निकाळीजी। वठिने, जोधपुर मांय निकाळीजी शोभाजात्रा मांय ईको फ्रेंडली झांकियां आकर्षण रो केन्द्र री। दौसा रा आदिनाथ जैन मन्दिर सूं निकळी शोभायात्रा रो जगह-जगह फूलां री बिरखा कर स्वागत कर्ग्यो गयो। करौली जिले रा प्रसिद्ध श्रीमहावीर जी मांय जनकल्याण महोत्सव माथे न्यारा-न्यारा कार्यक्रम राख्या जा रह्या है और ब्योरो म्हाणा खबरनवीस सूं—

चित्तौडगढ़ मांय भी महावीर जयंती माथे शोभायात्रा निकाळी ज्यी इण मौके सासंद सी पी जोशी और केई जनप्रतिनिधि मौजूद रह्या।

झुंझुनू मांय भी महावीर जयंती रे मौका माथे जैन मन्दिरां मांय खास आयोजन व्हा अर प्रभात फेरी निकालीजी। पाली मांय सुवारें भगवान महावीर रे अभिषेक रे पाछे शहर रा खास गेला सू शोभाजात्रा निकालीजी। अजमेर मांय केसरगंज सू निकली शोभाजात्रा मांय स्वर्ण रथ साथै 13 रथ अर चालीस झांकियां आकर्षण रो केन्द्र री। पैली बार 41 साधु साधवियां रो संघ आचार्य वसुनंदी महाराज रा सानिध्य मांय शोभाजात्रा मांय भेलो व्हयो। झालावाड़, सलूबर, बाड़मेर अर बारां मांय भी शोभाजात्रा निकाली ज्यी।

000

केंद्र सरकार **प्रधानमंत्री पोषण शक्ति निर्माण-पीएम पोषण योजना** रे तैत सामग्री लागत मांय नौ दशमलव पांच-शून्य फीसदी री बढोतरी करी है। ओ योजना केंद्र प्रायोजित है। ध्यानजोग है के इण योजना मांय सरकारी अर सहायता प्राप्त स्कूलां मांय बालवाटिका अर **पैली सू आठवीं ताई** पढ़ण वाळां ग्यारह करोड सू बत्ती पढेसरां ने गर्म पकयेडो भोजन परोस्यो जावे है। केंद्रीय शिक्षा मंत्रालय कह्यो है के नुवी दरां पैली मई सू सगळा राज्या अर केन्द्र शासित प्रदेशां मांय लागू व्हे ग्यी।

000

प्रदेश मांय गर्मी बढने रे साथे लू तापघात अर मौसमी बीमारियां सू बचाव ने ले र सरकार तियारियां तेज कर दी है। आपदा प्रबंधन मंत्री डॉ. किरोड़ी लाल मीणा विभागीय अहलकारां री समीक्षा बैठक ले र जरूरी दिशा-निर्देश दिया है। वठिने राज्य मांय बढती गर्मी, संभावित हीट वेव अर दूजी मौसमी आपदावां सू निपटणे खातिर करी जा री तैयारियां रो जायजो लियो। इण रे चालता डॉ. मीणा वीसी रे जरिये न्यारा-न्यारा जिलां रा जिला कलेक्टरां सू करी जा री तैयारियां री जाणकारी ली अर जरूरी संसाधनां रे साथे सावचेत रहणे रो कह्यो। वठिने जिला मांय तापघात मरीजां रे उपचार री व्यवस्थावां ने जांचणे खातिर चिकित्सा महकमों आज मॉकड्रिल करी।

000

तेज गर्मी रे मौसम ने देखता थकां प्रदेश मांय महात्मा गांधी नरेगा मजूरां रो बगत जिला कलेक्टर अर जिला कार्यक्रम समन्वयक अधिकारी तैय कर सकेला। ग्रामीण विकास महकमां री **अतिरिक्त मुख्य सचिव श्रेया गुहा** बतायो कि नरेगा मांय मजूरां खातिर आठ घंटा रो काम रो बगत तैय है। इण मांय एक घंटे रो आराम भी भेलो है। वणा बतायो के संबंधित अहलकार स्थानीय परिस्थितियां ने देखता थकां आप रे स्तर माथे काम रे बगत तैय कर सकेला।

0000

प्रदेशभर मांय तेज गर्मी रे असर रे बीचे आज बाड़मेर अर जालोर साथै कुछ जिलां मांय धूलभरी आंधी चलणे अर बूदाबांदी होणे सू तेज गर्मी सू थोडीघणी राहत मिली है। वठिने आज जयपुर समेत केई जिलां मांय फेरु गर्मी रा तेवर तीखा रह्यां। इण बीचे मौसम महकमो आवता दो-तीन दिनां मांय मेघगर्जन, आंधी-बारिश री आस जतायी है। महकमों बीकानेर, जयपुर अर भरतपुर संभाग मांय दोपहरां पाछे आंधी अर हल्की बिरखा री आस जतायी है। मौसम केन्द्र जयपुर रा निदेशक राधेश्याम शर्मा बतायो के पश्चिमी विक्षोभ रे असर सू केई जगहवां माथे आज तेज आंधी चालणे अर बिरखा होणे री आस है। इण सिस्टम रो असर सब सू बत्ती काले देखण रे मिल सके है। महकमां रे मुजब 13 अप्रैल सू घणखर ठौड़ा मांय मौसम सूखो रहणे रो पूर्वानुमान है अर तापमार मांय 2 सू 3 डिग्री बढोतरी होवण री आस है।

000

झालावाड़ जिले रा खंडिया मांय आज राज्य रा **पैला पिंग शहरी स्वास्थ्य केन्द्र** री सुरूआत व्ही। केन्द्र रो उद्घाटन पैली आळी मुख्यमंत्री वसुंधरा राजे अर झालावाड़-बारां सांसद दुष्यंत सिंह कर्यो। और ब्योरो म्हारा खबरनवीस सू-

000

कोटपूतली बहरोड जिला रे पावटा मांय समर्थन मूल्य माथे सरसो अर चना खरीद केन्द्र री शुरुआत व्ही। केन्द्र रो उद्घाटन पूर्व सांसद रामचरण बोहरा अर विधायक कुलदीप धनखड़ कर्यो। खरीद केन्द्र प्रभारी रोहित यादव बतायो के **पावटा कय विकय सहकारी समिति लिमिटेड** री कानी सू समर्थन मूल्य माथे खरीद केन्द्र थापित कर्यो ग्यो है, वठिने किसान सरसों और चणा री फसल रे समर्थन मूल्य माथे बिक्री कर सके है। इण रे खातिर काश्तकारां ने आप रो **जनाधार कार्ड, गिरदावरी अर बैंक पासबुक** समेत जरूरी दस्तावेज ले र आणो व्हेला।

000

झुंझुनू जिले रा घरड़ाना खुर्द मांय थापित पीएमश्री महात्मा गांधी विद्यालय रो नामकरण अबै शहीद स्कवाड्रन लीडर कुलदीप सिंह सू कर्यो ग्यो है। नामकरण अर स्कूल प्रवेश द्वार रो लोकार्पण जळसो आज राख्यो गयो। जळसा रा मुख्यअतिथि युवा अर खेल मामलात मंत्री कर्नल राज्यवर्धन सिंह राठौड़ हा। कार्यक्रम री अध्यक्षता पूर्व सांसद संतोष अहलावत करी। इण मौके माथे विधायक राजेंद्र भांबू समेत केई जनप्रतिनिधि मौजूद रिया। जळसा मांय शहीद पिरवार रो सम्मान कर्यो ग्यो। इण मौके माथे खेल मंत्री स्कूल रा खेल मैदान ने स्टेडियम रे रूप मांय विकसित करणे खातिर एक करोड़ रिप्यां मंजूर करण री घोषणा करी। वणा शहीद कुलदीप सिंह रे परिवार रा राष्ट्र सेवा मांय योगदान री सरावणा करी।

000